



## UN VISITA IN UN CASA PRO FUMAR

**Le narrator:** *Il es sabbato e dunque le fin de septimana sin labor. Nostre tres amicos Anna, Petro e Paulo ha prendite lor bicyclos pro ir a un belle e parve citate proxime al mar. Il ha un parve porto, ubi illes ha parcate lor bicyclos. Ora il es quasi mediedie, e le fame se presenta.*

**Petro:** Que debe nos mangiar pro lunch?

**Paulo:** Io non sape. Un sandwich forsan?

Io non desira mangiar pizza de novo.

**Anna:** Un sandwich? No, Paulo, nos es proxime al mar, dunque nos debe naturalmente mangiar un sorta de pisce.

**Petro:** De accordo, Anna. Ma allora proque non mangiar pisces fumate?

**Paulo:** Fumate? Argh, io odia le fumar! Il debe haber signos con “Fumar prohibite” in omne locos!

**Petro:** Ma, Paulo, le pisces non fuma! Isto ha nihil a facer con cigarretas. Il ha casas pro fumar ci. Isto es locos con grande furnos in le quales le fumo del foco adde un gusto special e delicate al carne o pisces que pende in le furno.

**Anna:** Si, originalmente le processo de fumar debeva conservar le comestibiles. Per fumar los on prolonga le durabilitate del productos – isto pote esser pisces, salsicias, gambon o lardo. Ma hodie le fumar es plus tosto facite pro le gusto.

**Petro:** Si, pisces fumate vermente gusta ben. Alcun typos de pisces fumate es mangiate con cibollina hachate, con rondellas de cibolla, radices trenchate e simile delicatessas del natura.

**Paulo:** Hm, isto non sona mal. Io ancora non es secur que me placerea le gusto fumate – ma io es preste a testar!

**Anna:** Allora nos va visitar un casa pro fumar. Il ha un tal alcun stratas de ci. Esque nos va bicyclar o ambular a la?

**Paulo:** Ambular. Nos pote lassar nostre bicyclos ci.



*Un casa pro fumar.*

**Le narrator:** *Anna, Petro e Paulo marcha in le sol calide e arriva al casa pro fumar.*

**Petro:** Vide le caminos. Illos es multo characteristic pro un casa pro fumar, e il ha sempre plures – duo o tres.

**Un empleato:** Si, isto es correcte. Tote le productos que debe esser fumate, debe esser placiante in le caminos aperte. Nos usa un grande grillia o un broca-rostitor, dependente del gusto que on desira.

**Anna:** Esque on usa un typo special de ligno a arder, o pote tote typos esser usate?

**Le empleato:** Nos sole usar ligno a arder de alnos. Il non debe haber foco, nam le pisces o le carne non debe esser rostite o grilliate. Le principio del fumar es que il debe solmente haber brasas, nulle flammis.

**Petro:** Oh, io credeva que le pisces debeva esser rostite.

**Le empleato:** No, no, e pro isto un persona debe surveiar constantemente le fumar. Si il ha flammis, illos debe esser “strangulate”. Nos usa un panno humide, fixate sur un palo. Il debe solmente haber brasas in le camino.



**Le narrator:** *Le processo de fumar dura...*

**Le empleato:** Le fumar dura circa cinque horas a 60-80 grados.

**Le narrator:** *Ay, isto esseva mi replica!*

**Le empleato:** Excusa, io solmente vole assecurar que omnes es ben informate. Ma, per favor, continua. Alora io prende qualche guttas de aqua – le fumar crea un grande calor ci.

**Le narrator:** *Gratias! Durante le alte saison un casa pro fumar pote fumar 500-600 haringos per die. Dunque le empleatos debe levar se de multo bon hora a fin de haber le pisces preste pro le lunch, quando omnes veni pro comprar – e mangiar – los.*

**Le empleato:** E ora io es preste de novo. Pote vos gustar le fumo?

**Anna:** Si, certo. Illo odora deliciosamente.

**Petro:** Mi bucca saliva, uhm!

**Paulo:** Anque le mie. Il me place que io non vos persuadeva a mangiar sandwiches. Io debe assolutamente gustar un haringo fumate.

**Anna:** Io anque. E que dice tu, Petro?

**Petro:** De facto, io vole essayar un maquerello fumate. Io ha mangiate haringos fumate ante alcun annos, dunque io prefere essayar un altere pisce.

**Le empleato:** Certo, senior. Un maquerello fumate e duo haringos fumate. Esque vos vole portar los a casa, o vole vos seder al exterior e mangiar los?

**Anna:** Oh, naturalmente nos desira



mangiar los ci in le sol al exterior, nonne?

**Petro e Paulo:** Absolutamente!

**Le empleato:** Excelente, alora prende un tabula. Alora io va preparar vostre pisces fumate sur plattos e servir los. Isto dura solmente un momento.


**Paulo:** Multe gratias. Nos va al exterior!





## UN VISITA IN UN CASA PRO FUMAR

1 Cognosce tu le piscis? Ecce septe differente typos – ma qual es qual?



\_\_\_\_\_ haringo      \_\_\_\_\_ gado      \_\_\_\_\_ sardina      \_\_\_\_\_ crangones  
 \_\_\_\_\_ maquerello      \_\_\_\_\_ salmon      \_\_\_\_\_ platessa

2 Associa cata parola con un expression o un synonymo.

- |   |   |
|---|---|
| 1. <input type="checkbox"/> empleato        | A. accender un cigarretta                             |
| 2. <input type="checkbox"/> haringo         | B. un palo per le qual on perfora p.ex. le piscis     |
| 3. <input type="checkbox"/> prolongar       | C. le periodo durante le qual le mangiar es bon       |
| 4. <input type="checkbox"/> delicate        | D. parolas que on vole dicer                          |
| 5. <input type="checkbox"/> incendio        | E. un parve pecia ardente sin flammas                 |
| 6. <input type="checkbox"/> gutta           | F. un conducta pro remover le fumo al exterior        |
| 7. <input type="checkbox"/> durabilitate    | G. persona qui labora in un compania                  |
| 8. <input type="checkbox"/> replica         | H. legumine forte que pote dar guttas in le oculos    |
| 9. <input type="checkbox"/> camino          | I. gustose e deliciose                                |
| 10. <input type="checkbox"/> gambon         | J. un parve balla de aqua                             |
| 11. <input type="checkbox"/> cibolla        | K. un pisce que pote esser marinate o fumate          |
| 12. <input type="checkbox"/> fumar          | L. un verde planta con folios con le aspecto de herba |
| 13. <input type="checkbox"/> cibollina      | M. facer plus longe                                   |
| 14. <input type="checkbox"/> broca-rostitor | N. carne de un porco                                  |
| 15. <input type="checkbox"/> brasa          | O. flammas de p.ex. un foco                           |

3 Inse le parolas: **conserva • exterior • proxime • alnos • saliva • hachate • delicatessas**

Le ligno a arder veni de \_\_\_\_\_. Mi bucca \_\_\_\_\_ a causa del bon odor. Le cibollas es \_\_\_\_\_ in parve pecias. Nos ama seder al \_\_\_\_\_ in le sol e mangiar le \_\_\_\_\_. Le fumo \_\_\_\_\_ le mangiar. Nos es \_\_\_\_\_ al mar.

Resposas: 1. A salmon, B haringo, C platessa, D maquerello, E crangones, F sardina, G gado – 2. 1G 2K 3M 4I 5O 6J 7C 8D 9F 10N 11H 12A 13L 14B 15E: – 3. alnos – saliva – hachate – exterior – delicatessas – conserva – proxime